

書名 空同先生集六十三卷 嘉靖九年序刊本  
 撰者 明 李夢陽 撰  
 卷 卷二  
 內容分類 集-別集-明中葉  
 索書號 倉石:40084  
 編號 4008000



# 卷二

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

[版權所有: 東京大學 東洋文化研究所](#)

[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



蒼而不見憶朱遷之告別兮步予而涕揮歷秋  
夏而不見兮心恍惚其來歸岩乃三星爛而當戶  
兮適明月之在天四肢委而莫舉兮魂爽飛而翩  
翩忽承顏于左右兮心肅肅以奔走每膺訓以唯  
諾兮忽張目而莫購內怵惕以啓戶兮視明星之  
有燦心怔怔而未已兮據胡牀以待旦佩道德以  
遠遊兮固丈夫之所躄斷恩義而不顧兮豈兒女  
之所堪爰託茲以抒情兮泄吾心之鬱邑挽垂楊  
以三撫兮涕潺湲而佇立亂曰撫彼景物傷吾心  
兮思彼君子涕淋淋兮仰瞻明月光皎皎兮天涯  
眇眇同斯照兮安得羽翼翔南國兮

空同先生集卷第二

北郡李蕙陽撰

賦一十首

送河東公賦

吊申徒狄賦

吊康王城賦

吊于廟賦

吊鸚鵡洲賦

哀郢賦

汎彭蠡賦

觀瀑布賦

泊雲夢賦

漢濱賦

賦一十首

送河東公賦

正德元年冬十月河東公以譴放還屬吏郎中

李某作賦送馬賦曰

飄蕭瑟以齟烈兮屬孟月之慄嚴霜淒清以紛下兮  
風薄戶而竅吟余戒玄武使先導兮飭冥子俾抗旌  
虬蜿蜒以服輿兮弗長雲而遂征三台及以踈闊兮  
北斗揭而望余颺肅冷以溲戾兮涉江漢之清渚悼  
喉舌厥之厲兮攬少微而效光咎南箕之靡懲兮猶  
翕吐而斲張朝余發于星之墟兮暮珥節乎冀之野  
谿谷捌以復陸兮草木落而茫莽獸驚人之跼竄兮  
禽枯桑而鳴號雪霰海而零灑兮氣泠泠之寥寥車  
輪困而不前兮心已逝而中留驂頓纓而踈躅兮僕  
夫涕而長吁惟先生之貞矯兮幼崇方而嗜修則英

賢之遺獲兮志卑伊而願仇蹠泰階以承列兮奉鈎  
陳而布耀酌元氣而執之兮冀容光之必照倚閭闔  
以徘徊兮憤漢臣嘗請乎刀壯埋輪之義力兮潛掩  
涕而憾遭惟封豕之峩峩兮彼舍問夫螻蟻豺狼縱  
之當達兮柰衆臻而終靡幾不密固害成兮予良痛  
乎陳竇之患斬蛇弗斷將自及兮誰捋虎鬚而竟安  
曾闔仡仡之巖巖兮浮雲蔽而四舉玄螭九首螭蜒  
垂涎兮守門嘻嘻而目余進旣無以自明兮涕弗知  
其退之所營紛構詐以錫訕兮謂余亟之而亂程吾  
豈不知詭遇者易獲兮誠嬖奕之攸耻同者就而異  
者償兮孰孤持而弗三褫策鴈行以前路兮背陰朔

之塞疆馬騰攄以龍奮兮望山西之夕陽毅昌燕而  
卒逃兮叔向飛語而拘纏荷白日之曲照兮迺茲焉  
反余初服太行吟之迤邐兮岳壤盧而起伏踐桑乾  
之嵯凌兮冒涿霧之綽約爰十步而九顧兮九門嘶  
而造天霓連蜷以上驤兮爛躔緯之錯連軫紫庭之  
多麗兮冠珮者至三千人步微風之珊珊娥眉入室  
女斯妬兮厥亦世之故也寵移者訾必加兮矧吾皓  
首之怒也企降覽之中反兮又鮮姦爲余之容思伊  
昔之來暨兮內崩剝而自訟沿易濱以千于兮泝金  
臺兮遭遘慨於期之皎節兮鄙荆氏之沉志謂圖窮  
而事至今冀戡贊而必擒謀之人成之天兮竟墮首

而崩心哀壯士之不還兮躡殘壘而逍遙野曠曠之  
千里兮寒風唳而蕭蕭天剡剡以梟宰兮日翳翳而  
荒涼薄林壑之慘闇兮拂隆冰之積霜聆顏鴟以怵  
慄兮惛岵岵之荒助川蕩搏之赤赤兮馳狸窟而嘈  
聒精汜濫之佚佚兮駟遑逖而懈怠召豐隆翊余蓋  
兮喝飛廉而疾馳揚濔沱之文舫兮驟井陘而單騎  
偉左車之雄視兮嗤陳餘之福意張生旣收厥綬兮  
趙由之其邦以喪陳子獵于南皮兮漢龍興而虎翔  
惟休咎係之數兮大風起而潰圍苟增老不之疑兮  
豈張韓之獲爲彼荏苒固膠合兮孰鯁直而罔殆展  
氏介而三黜兮遽瓌奔而再危踰壽徐以橫目兮快

澹漫水廣貌  
校

并州之舊鄉，巨壑曲之菴。亂兮來，茹蘆於汾旁。霍岳  
岳以迎幟兮，桂樹偃蹇而俟余。狎斑豹于岳際兮，鈞  
淪淵之秀魚。準歲功以消息兮，御陰陽以卷舒。追赤  
松以授要兮，從巫咸而卜居。亂曰：明明日月，奠天維  
兮。太陰四塞，孰將夷兮。陟彼寥谷，望河漢兮。上無舟  
梁，眇炭湯兮。嗟我寡翼，安能厲兮。顧瞻北斗，中心惘  
兮。授兮憖兮，聊以卒歲兮。

吊申徒狄賦

申徒狄諫紂不聽，乃負石沉河而死。

抗與航同

覽洪河之吐噏兮，洶欲濟而無杭。物有離而不回兮，  
勢有激而難當。劇厥人之抗行兮，羗自沉而弗疑。恬

齊志以長卑兮，庶聞者其猶悟之。彌六合以設弋兮，  
鸞鳥騰而不反。蛟龍沕以避害兮，惟恐去之弗遠。不  
吾知其亦已兮，何荃之忽焉。而莫斯睹，監四方以表  
素兮。孰聘美而釋女，曰群汶汶以滄濁兮。班予馬莫  
之適也，衆披離以障之兮。又入而莫之白也，進惴惴  
余瞿遽兮。固不若死之為安，寧負石以葬河魚之腹。  
孰忍利菑而盤桓，竭誠信以諫君兮。反罪過又謂欺  
惟堅僻之類忠兮，任飛廉而不疑。余固知佞媚之能  
周兮，硜秉質莫之移也。介塊處而無營兮，又衆人之  
所哈也。既謂干為忠兮，胡又附雷。開與惡來，既曰切  
人微兮。曷不委曲而導之，悲時俗之顛倒兮。先生獨

遭遇乎此時燕雀烏鵲噪堂堦兮鸞鳳出而見廢曩  
余知材朴之爲祟兮廼強而不謂之信然苟作善降  
之祥兮彼梅伯又何以顛捐規矩以改錯兮斯固時  
之態也荃旣與彭咸齊名兮亦何必怨此害也鬱紵  
古其佗僚兮替悒悒之不可平循峭岸以邇迥兮戒  
於船余怍營泝河流以投辭兮氣紆結而填臆慨往  
后之迷誤兮社稷顛而用屋重曰昔有大夫曰申徙  
兮懷瑾弗展負石投河兮寃抑內憤靈汎濫兮湍瀨  
盭盭愁人心兮忠回倒植固庸態兮嗚呼先生女又  
何對兮伯夷子胥與爾爲類兮

平康王城賦

趙宋高宗爲康王築此以拒金人

隴側桑以歆根兮飈沙慘目而瀰漫勢斷屬而連天  
兮寒蓬卷而翩翩覽靈波之汪洋兮惋九河之善崩  
臨決口思前往兮尋北原之故營塹莽沒不可見兮  
莽千里兮繁蒿旋風四起埃飛蔽日兮鷹失群之嘈  
嘈怒膏鬱余顧懷兮夕駐馬乎河之渚想張韓之旆  
旆兮望朱遷之雄壘嗚呼哀哉兮山陵委棄江介是  
都登佞黜良兮社稷丘墟宮殿瓦礫兮二聖爲俘嗟  
嗟彼何密而茲何仇復執迷而弗悟兮汚分疆而取  
憂

弔于廟賦

正統己巳之變少保有社稷之功

棟宇頽折兮四顧無垣  
鴿雀鳴噪兮雪壅其門  
風衝激以拂帷兮慘九州之肅冷  
軒長河以飲景兮飛光至而舒靈  
何先生遭不造兮定危邦而永存  
用才者終固鮮兮孰震滿而完身  
顧瞻宋京兮追念雙帝  
組頸爲虜兮單馬北逝  
虎臣視而誰何兮英雄竄而蓬蒿  
有憤壅蔽而發疽兮亦有垂成而反被  
劉嗚呼先生成敗難以逆度  
禍福不可豫謀  
死苟足以利於國兮洵藿醢而焉求

弔鸚鵡洲賦

承

帝皇之嘉惠兮荷在陋而明揚  
信枯楊而再

華兮懼身微而命彰  
歲協洽以南驚兮觸炎日之盛陽  
浮江漢以長邁兮過夏口之故城  
洲蹇產以隄隄兮劃衝江而絕流  
覩佳名而中惕兮弔斯人之不修  
我旣佩明月與寶璐何不遂凌世而高步  
舍玉駟而不駕兮又奚暇與豺狼而爭路  
惟聖人之貴時兮神龍豈人得而縻  
彼鸞鳳之謂瑞兮固亦以其高舉而見希  
何先生之靈媿兮獨不深藏而遠游也  
偈取方以捐育兮吾恐睿者之所充也  
緊炎鼎之旣淪兮世滄濁而崩改  
操梟視而虎噬兮祖又貪夫厥土  
荃縱不甘心於厥儔兮獨不可色斯舉也  
嶢嶢者將必缺兮余固知仇者之不與也  
矯吾擢以淹留兮情覽望

而增傷靈憫况而如見兮聆湍瀨之浪浪山壘壘以  
來合兮孤墳鬱而塘滂誦英篇以沉顧兮痛翠禽之  
蚤戕物有以舌羈縛兮人有以才墮身譬用機各攸  
當兮恨見幾之不先心屈佛以悒悒兮翳營營之不  
可留沛揚楫以東進兮順武昌而下舟溯巖岸以却  
視兮投哀些於斯洲

哀郢賦

嗙嗽崎以旁靡兮困京顏之崒嶰隍壘齧而莽沒夕  
飈勃興沓兮閼鞞水鳴叫而巖斬靚敖墳之嶮嶮兮  
躡莊王之登檢泊石城以盱眙兮望江陵而涕流莊  
洞庭之孫鼎兮槩江漢之玄洲掩陳蔡之弱郢兮控  
荆揚而上游俯灘瀨之淺淺兮傷楚平之破立伍員  
奔吳兮屈生浮湘懷行罔返兮厥民用喪蘭臺肆侈  
兮玉差進淫陽春消歇兮黃鳥沾襟陵井塌而狐穴  
俾人哀而迄今

汎彭蠡賦

正德六年夏五月李子赴官江西南道彭蠡之  
湖作賦曰

仲夏悒悒兮湖水洶湧戒舲舟而逆進兮志定意恐  
朝發湖口兮巉石纜牽捨帆午張兮陵急洋而縱船  
洪澇吞吐兮昏莫界際漫漫瀆沈精神搖兮浪起伏  
而來曳曩余誦夏記與鄴經兮識彭蠡而心慕繫厥



水集流夥兮挾十州川而北注合岷江東之爲東江  
兮脇揚身而騰海包敷淺而瀦之兮撼匡廬而使改  
惟據巨者附斯衆兮滿之者驟必溢彼何恠弗之潛  
兮抑何摧而靡殛射者萬鼓之千兮叢谿壑之湊趨  
澎霆崩以箭疾兮勢嶽頽而電舒匯莫究始兮散孰  
察其終龍蛇逐之何載兮至今窟而以宮祈之錫嘏  
兮侮之掇青怒之風雷愉之霽兮亦厥靈之攸逞潮  
崖峇以厯闕兮修當晝而忽陰上下旣顛置兮孰又  
辨昕昏與北南睇衆山之劍攢兮爭負高而竟降闕  
膏麓之淤澱兮奄焉墊而爲江綠木末而巢室兮民  
浮居而舳艫悼隻雛之寒嘯兮寂氓濱而守鼠亂左

之沸沸兮壯康郎之浩汗濤沃日而明暗兮纏島  
潛而渙散瀾已俛而復昂兮渦湓滉而接連瀧無風  
以橫飛兮潭澄渟而布漣龍天矯以戲瀨兮豈枿汎  
而吹沫芄蒹沕之昧昧兮魚鱉貫而鱖鱣具區洞庭  
方余不暇兮懼九圍混而黜冥苟清濁軋其頽頽兮  
聖愚一而泯靈胡弱草丹而華兮反泓棲而矜彩鳧  
此龍鬚葶蘆葭菰繁其被汀兮紛振翰而雲駭彼陽  
鳥旣逝兮鶻鵠嗜而專已羈水馬以闐羣兮蛤又濡  
珠而曝殼詭殊錯以跳踉兮有曲牙而鹿其角旣逆  
鱗而返舌兮復積首而象鼻浮針尾而戟鬚兮族鼉  
鼉乎瀟瀟誰非含生而願遂睹彊柔之闔齊兮唾陽

侯之懦息縱鱷鼉之恣肆兮甘失職而蔓災虞坤漏  
而陸沉兮儵一嘆而三泣蜮吸魃而排砂兮時負渚  
而人立濺雨迸而冠岫兮岸衝掇而壑落詫妖譎之  
多態兮魄撼促而心愕瞬兮異覲恍兮變索究之諒  
奚以兮聊戢楫而遊滢夕景掣以波下兮石鐘磬礪  
而竅吟追三苗之即叙兮宣文命之訖敷彼九江未  
之敷兮余誠憂鬼類之聒呼廼撓人之罔諳兮祠九  
首而丐邪愚者吾靡疵兮鄙明賢之用頗景神姦之  
勤算兮數歷鉉誰弗竟危魁魍支祈倔強伺間兮愉  
臨湖而嘯悲

觀瀑布賦

至炎陽以北邁兮遡敷原之上疆遵嶽南而遐陟兮  
廓晴流而志揚日旋旋以景旃兮嶰嶠嶇乎微行峰  
吞吐而逐余兮嵐捍翕而颺路超歸宗以翹盼兮觀  
開先之瀑布諗前記而髣髴之兮眩飛空之孤形誦  
銀河之逸句兮精陟天而九征挾巖潭以上氣兮接  
神漢而並垂積雲左右以傳彩兮霞表裏而秀姿沫  
霏霏之晝霧兮崕丹翠滌而蕤蕤光金黛而巨霄兮  
浩呼洶之湧湧龍朝帝以潮從兮虹為梁之總總韡  
若華以西曜兮東扶木兮倚明星辰涵而布錯兮岳  
瀆影之其中絢練恍惚百恠潛兮勢明晦而無恒晷  
之若住忽奔噴兮石雷壑而驟崩經香鑪以熨紫兮

破雙劍而冰攢踰黃巖以珠迸兮籠玉殿而金煙濯  
炎女之玄髮兮苦離根而永生掛洞宮之曩曩兮隱  
芝箭而懷情沸混混之爛爛兮飈瑟馭而涼風泉滾  
滾而安竭兮孰尋源而卒窮絃劃割以緡紛兮渥華  
巔而分派水簾谷簾亞之揚兮靈終古而并戴巍嶽  
吟而上行兮疑質違而性非蒙并厥流常兮譬鍼顛  
而血隨吞日月以膏顏兮震雲氛之翼翼江海巨而  
昏墊兮哀趨卑而罔直體融陰而內陽兮準坎離而  
向背巖不蓄類迺澤物兮醜彭蠡之汪穢浮朱鳥之  
寒景兮爭龍騰而攄掣擊高者韻斯宏兮谷哨豕而  
坤坼赫翩翩以倏助兮小鴈蕩而不眠露霜霾而離

離兮處遼域而孰知怒琇罕以思逞兮石岵峪之嶮  
峭晴電追之霆突兮信駭觀而搖臆猿纍纍以竊窺  
兮倚石鏡而吹嘯燭焯灼的皪皎兮類至人之懸  
照肝颯送徠兮翔太始而留耀歌曰造龍池而印之  
兮究瀑布之肇踪巔湧而壑射兮誠神靈之攸鍾轟  
邇惑而遐瞑兮壯二儀而永效確鬼恠避鑑鑒兮微  
瀑孰以察逝者之高妙伊動者必定兮潭窅沕而淵  
峯礪之灑而寧之清兮厥金水之共質亂曰相彼山  
泉澗澗澗澗兮谿朋連洵遵科以造海竟隨流而泯  
瀾觀厥瀑之靈詭反群詫而背誹吾苟若天地以遺  
聲跡亦奚暇校高下與狐疑

泊雲夢賦

將超野豬之湖風西而阻乙丙丁戊允颼颼  
旬餘轉迅問之老人曰此南陽之風也厥陰始  
生應諸少陰之方

幼余紛以好覽兮懷長風而浪濤夏匯液之浩浩兮  
阻雲夢之逆颺哀南紀之攸墊兮包荆衡之衆山貫  
江漢以爲絡兮勢朝宗而播瀾翼潛沱之翩翩兮披  
景陵之峩原吞沔鄂之曾隰兮洸逶迤而浹漉坻岷  
岷兮掩翳橫余前兮蒹葭紛而蔽天月重陰以繁雨  
兮駭厥鴟爲之先鳴邁大別以悠沂兮邁少陰妬而  
用情次大澤之巖隄兮睇風雲之上征惟彼斗酌而

靡均兮縱柔金以嘘吸孤心昏以徒爛兮趨西流之  
避及覽萬情之翻覆兮爰背坎而向離指朝景以辨  
位兮定星辰而訊期極明晦之變態兮盡洋滂之滂  
淫倚舲牖以凝睇兮數周圍之峻岑勤伯禹之土又  
坤維奠而至今情瀆滉以無依兮聊唁昔而周章慨  
五湖之見幾兮詠孺音於滄浪胡洞庭之險壑兮三  
苗區而蕪滅舳艫蔽江以來下兮孰攘攘而非衣食  
往者旣不可追兮吾寧俟時而矯心掇陽濬之文具  
兮采芳芷於漢潯龍擾余以負舫兮珠夜游而光吐  
憑烈性之難抑兮淚浪浪墮而思古誦曰昔有郊郢  
厥惟楚都實邊雲夢百雉其郭何材弗殖寶玉明錯

魚鱉麇麋於物訐訐麇麇甫甫齒革毛角有齒有聖  
各以類積確確岳岳服食之屬芋京絲葛甘塩苦酢  
靈餌珍藥觥弩勁箠犀甲狼毒王府充溢宮室棺槨  
商旅沓至貿遷繹繹漁牧諧足鳴琴巷等國以富强  
鞭撻晉秦挾鄭狩獵出入二數旌旗千里戈船璘玢  
金銀璨璀條呻忽閃獸柴鳥墜追者稱善後王何道  
游關靡返懷沙奮辭邦墟憐惋

漢濱賦

余過解佩灘憶交甫遇女之事於心感焉作漢

濱賦

夫何二女之頎麗兮遵蘭皋而並翔順微風以鸞顧

曳文袿而交揚躡雲鬱之華履皎羅襪以雙步凌瀛  
潭之漜波掇瑤草於芳露態婉孌以窈窕情同嬉而  
中乖超灼灼以齊赴忽含顰而怨借眉疑低而復伸  
唇欲啓而羞面嗟巧笑以回瞬自盈盈而流盼翩兮  
驚鴻恍若裊電仰西方之織月悵邂逅於嘉夕足將  
移以躑躅魂已逝而聿役乍多露於蔓草矩漢廣之  
貞游戒有粲之奔密慕娥英於湘流揮柔袂以掩涕  
寄朋素於明璫效鷄鳴之贈珮攜霜心於鮫光倏潛  
耀以莫覲撫衝飈而懷形睇征雲以西迅裊飄芬而  
淚零面三星以申詠晦朝陽於首疾伊綢繆之幸諒  
詎穀焉而同室

空同先生集卷第二

空同先生集卷第三

北郡李夢陽撰

賦一十五首

放龜賦

大復山賦

河中書院賦

朱槿賦

感音賦

嚏賦

鳴鶴應鐘賦

觀禁中落葉賦

惡鳥賦

鵲賦

螺杯賦

貢禽賦

水車賦

四友亭賦

冬遊賦